

宋元方志叢刊

中華書局編輯部編

宋元方志叢刊

第五册

中華書局

〔宋〕

陳公亮修  
劉文富纂

淳熙嚴州圖經

嚴州圖經三卷

宋嚴州郡守陳公亮修前有紹興已未知軍州事董  
奔序及淳熙丙午州學教授劉文富序王氏輿地紀  
勝陳氏書錄馬氏通考俱作新定志即此書也此從  
淳熙刻本鈔出卷首載建隆元年太宗皇帝初領防  
禦使詔宣和三年太上皇帝初授節度使制及敕書  
榜文二道蓋修志時高宗猶在德壽宮故稱太上也  
前有圖九葉卷一新定郡卷二建德縣卷三淳安縣  
其體例先以歷代沿革次分野次風俗次州境次城  
社次戶口次學校次科舉次廨舍次改充次館驛次

漸西村舍

軍營次坊市次橋梁次溝渠次物產次土貢次課利  
次祠廟次古蹟次賢牧正倅題名添倅題名次學校  
次登科記次人物次碑碣終焉惜卷三古蹟後已脫  
佚矣鐵琴劍樓藏書目錄

嚴州重修圖經紹興已未知軍州事董奔序此舊序  
也淳熙丙午迪功郎州學教授劉文富序此重修序  
也冠以太宗初領防禦使詔太上皇帝即高宗初授節  
度使制乃建隆元年太宗為睦州刺史封天水縣開  
國子宣和三年高宗授遂安慶源等軍節度使進封  
康王也次子城圖建德府內外城圖府境總圖建德

淳安桐廬遂安壽昌分水各縣境圖以嚴州及六縣

分卷各列子目其體例與寶慶四明志同今惟嚴州  
建德淳安三卷存淳安為新安郡治隋置睦州故淳  
安一卷獨詳唐刺史李道古撰大廳記具錄唐代顯  
慶以來刺史名宋雍熙二年知桐廬縣刁衍續至太  
平興國三年足資考證勞季言云唐書儒學傳張後  
允遷燕王府司馬出為睦州刺史此脫燕字宰相世  
系表柳範子齊物睦州刺史元和姓纂同此脫物字  
又張愿天寶三載韋南金天寶五載俱自台州刺史  
拜赤城志刺史失其名董奔有嚴陵集九卷取嚴州

二

題詠序記別為一書輔圖經而行錢辛楣養新錄云  
陳直齋馬端臨俱稱新定志不云嚴州圖經然董奔  
創為嚴州圖經劉文富奉知州陳公亮之命重修仍  
其名實即一書余謂景定中郡守錢可則教授鄭瑤  
學錄方仁榮撰新定續志新定乃郡名非新舊之義  
陳直齋因續志名新定亦以劉文富書為新定志也  
嚴陵集與景定新定續志余俱有其書此書三卷係  
宋刻可與乾道臨安志其傳余更有宋談鑰嘉泰吳  
興志凌萬頃玉峯志俱罕觀之開有益齋讀書志  
案是書原本八卷今存卷一至卷三每葉二十行每

行二十字板心大黑口直齋書錄解題所云新定志八卷郡守東平董弁令升撰紹興己未也淳熙甲辰武義陳公亮重修者即此書也首載建隆元年太宗初領防禦使詔宣和二年太上皇帝初授遂安慶源軍節度使詔及敕書宣和四年遂安慶源軍節度使康王琦文一道建炎二年聖旨一道次為建德府城圖二葉嚴州全境圖七葉每卷有松雪道人朱文方印嚴蔚豹人白文方印嚴蔚白文長印二酉齋藏書朱文長印餘詳儀顧堂集藏宋樓藏書志嚴州圖經三卷影鈔宋本每葉二十行行十九字前

三

載建隆元年宋太宗初領防禦使詔宣和二年太上皇帝初授節度使詔及敕書榜文各一道次為紹興己未知軍州董弁序淳熙丙午迪功郎州學教授劉文富序太上皇者高宗也淳熙丙午高宗尚在德壽宮故不曰高宗而太上也卷首為建德府城圖建德府全圖卷一志嚴州府沿革分野風俗州境城社戶口學校科舉廨舍館驛倉庫軍營坊市橋梁物產稅賦寺觀賢牧題名添倅題名登科記人物碣各門卷二志建德縣卷三志淳安縣其分水桐廬遂安壽昌則佚矣紹興中董蔡知嚴州始勅是書名曰圖經淳

熙丙午知州陳亮命劉文富重為訂正故陳氏書錄解題馬氏文獻通考有新定志之目其實即圖經也後景定中方瑤等撰續志即續此書而作續志今尚存此書則僅存殘本耳原本誤以圖後一葉及卷一稅賦門至學校門驛入卷三後今一一為之釐正是書殘宋本藏吳門汪士鐘處即鈔本所從出亂後不知所歸矣儀顧堂集嚴州圖經為嚴姓物嚴於數年前得之於崑山書集街價止青蚨三兩二錢藏經紙面裝四冊止存三卷一百九十葉云是太倉金元功家物余檢葉文莊蔡

四

竹堂書目載有嚴州圖經無卷數冊數當是葉傳諸金而金又散出者也先書友攜是書來索直百千文余未及還價而即取去後嚴持示錢竹汀先生先生以為祕籍世無二本當寶愛之故近日欲請觀每託言為友人借去不能再見然屬書友及與嚴素識者往探消息總以議價定妥然後索歸則是書猶非不可復合者惜余買書金盡未能如數與之以致書不復合司書鬼與司錢神其能為我一爭勝耶可歎可恨士禮居藏書題跋記嚴州圖經余所見者淳熙重刻本僅存首三卷前有

紹興己未正月知軍州事董彝序及淳熙丙午正月  
州學教授劉文富序文富蓋承郡守陳公亮之命訂  
正是書者也卷首載建隆元年太宗皇帝初領防禦  
使詔宣和三年太上皇帝初授節度使制及敕書榜  
文二道蓋淳熙丙午之歲高宗尚在德壽宮故有太  
上之稱考董彝初勅此志本題嚴州圖經陳公亮重  
修亦仍其名而王氏輿地紀勝陳氏直齋書錄馬氏  
文獻通考皆作新定志蓋宋人州志多用郡名標題  
續志載書籍亦但有新定志初無圖經之目名目雖  
異實非有兩本也

五

太宗皇帝初領防禦使詔

建隆元年正月甲子詔曰朕應天順人宅萬邦而建號  
自家刑國睦九族以推恩皇第三弟新補殿前都虞候  
太宗擢秀本枝協謀興運自天鍾德秉文武之才在邦  
必聞有孝弟之行屬茲勦業宜被寵光俾領郡條兼提  
使印官階等爵式示等威徵鵠鶴之詩方思於外禦董  
龜貅之眾用肅於內朝雖曰匪親不居亦無生而貴者  
是膺歷試仍錫嘉名勉樹令猷永保多福可特授光祿  
大夫檢校太保持節睦州諸軍事行睦州刺史充本州  
防禦使兼御史大夫封天水縣開國子食邑五百戶

圖經

太上皇帝初授節度使制

宣和三年十二月壬子制曰周封同姓以親賢式厚深  
根之固漢尊二等而立爵載圖磐石之安朕隆紹慶基  
端膺駿命永錫胙嗣肇開第室之榮對揚王休申畀國  
章之寵丕昭顯冊旨告羣工皇子檢校太保鎮海軍節  
度使開府儀同三司廣平郡王食邑九千四百戶食實  
封三千戶御日榦分暉珠潢疏潤斯干協吉茂嶷嶷之  
奇委典命陳儀稱煌煌之華帝聰達蘊自然之質藝文  
成不習之能詩禮雅言允迪聖門之訓堯舜正道率循  
嚴傳之規既進冠以重嘉宜遵年而出閣班趨萬玉行

瞻極以來朝堂傲旅楹既環宮而列邸載侈寢崇之數益彰振厚之風昨南土之山川佩真王之印綬而槐辨位聯保職於三公先乘啟行總戎麾於兩鎮併疇圭賦增渙渥恩於戲建國以親諸侯義重本支之盛述職以朝天子贊資蕃翰之良其祇服於朕辭以永綏於爾祉可特授太保遂安慶源等軍節度使進封康王加食邑一千戶食實封三百戶勳封如故

敕書

敕遂安軍官吏軍人道士僧尼百姓等朕以御粹質幼蘇異材夙就蚤遵年而親傳既筮日以字成出閣造朝

圖經

一 漸西村舍

環宮開邸寵進上公之秩雄兼兩鎮之權制勝壤於浙江殿名邦於全趙式壯朔南之屏永綏中外之安遠諒輿情欣聆庭渙今特授御名太保遂安慶源軍節度使進封康王加食邑一千戶食實封三百戶故茲示諭想宜知悉將士等各平安好參佐官吏軍人道士僧尼耆壽百姓等並存問之遺書指不多及二十二日

節度使榜

遂安軍節度使

應遂安軍管內官吏軍人道士僧尼百姓築室肇開庭綸誕布王封真拜昨四履以苴茅上袞腆儀

兼十連而建徽方攤圭而趨箬未握節以殿邦屬時上聖之君興乃不平之治道孚九有遂追黃帝之風政本羣情盡舉元豐之制沛施厚澤浹被遠民唯彼外僚當承至意協懋蕃宣之職恪敷詔令之仁芹藻儒髦虎貔武旅空門羽檄釋耆齡樂盛化以威甯欽有司而無犯諸有尊屬並存問之右榜遂安軍仍散下管內各令知悉

宣和四年 月 日榜

太保遂安慶源軍節度使康王

建炎二年五月十三日

圖經

三 漸西村舍

聖旨朕當時尓危勉承大統念父母兄弟之難懷生靈塗炭之傷思所以迎復鑿與弭甯禍亂未知攸濟夙夜震懼無以解憂而潛藩舊鎮乃遵常式貢章陳慶有請未已殊拂朕心應舊領州鎮並不許依故事稱賀其合推恩例仰有司條具以聞六月十五日有

旨嚴州命官進士僧道耆老等推恩賜帛有差

重修圖經序

先王盛時封建未壞井地既正疆理修明千八百國之廣各有土地之圖以周知其地域大司徒所掌是已且司徒掌邦教之任而乃下兼職方之事其亦有說歟蓋民之情性有剛柔輕重遲速不同不辨其宜而施教焉則有扞格而不相入者是以修其教不易其俗齊其政不易其宜逮秦人罷侯置守亦各有圖漢人入關所收財知阨塞而已司徒辨五地十二壤而施十有二教之制無有也漢氏去古未遠不能復先王之制而郡國雜治况後世去先王益遠而曰復古不其疎乎

圖經序

四

漸西村舍

國朝沿唐郡縣之舊而其經理視唐尤為盡善大中祥符三年十二月丁巳詔獎翰林學士李宗諤等上新修諸道圖經由是圖籍大備而嚴之為州自東漢建安中至是適八百年矣其遷徙廢置詳載於經郡有板本中更遺漏不存淳熙甲辰太守陳公公亮下車之初憫其廢墜而未暇也逾年時和年豐訟簡刑清百廢具舉課最之餘因取舊經命文富訂正之將再鑄諸木竊惟此邦之俗舊號輯睦因以名州可以無事治不可以多事理所謂安於簡易之政擾之則生事是已自公之開府將再葺矣一以寬政理惟頑民結吏始繩之以法故

邦人甚安之因其俗而施其教公已得之此其大者可書者若夫民數之登降財賦之贏縮軍籍之去留公館之興廢是則因之否則革之特其粗爾故書其大者以告後之為政云歲在丙午正月丁未迪功郎州學教授劉文富謹序

圖經序

五

漸西村舍

嚴州重修圖經舊序

周官職方氏掌天下之圖周知其數要漢得秦圖書具知天下阨塞戶口多少彊弱處光武中興按司空輿地圖以封諸子歷代放周遂以職方名官至唐立制凡地圖命郡府三年一造與板籍偕上省

國朝定令閏年諸州上地圖大中祥符四年

詔儒臣修纂圖經頒下州縣俾遵承之距今百二十有八年矣其開州名有更易軍制有升降戶口有登耗賦稅有增損既皆不同而又艱難以來州縣唯科斂是急趣具目前閏年之制寢以不舉蓋職方之職廢也紹興

圖經序

六 浙西村舍

七年奔來承乏嘗訪求歷代沿革

國朝典章前賢遺範率汗漫莫可取正詢之故老則曰是邦當宣和庚子盜據之後圖籍散亡視它州尤難稽考乃喟然曰惟嚴為州山水清絕有高賢之遐躅久以輯睦得名今因嚴陵紀號自唐為軍事州

藝祖開基首命

太宗為睦州防禦使

先帝政和中悉褒錄

祖宗潛藩之地

詔升其軍為節度既而出節少府以授

今上嘗以親王遙臨鎮焉其後繼世以有天下實似

太宗蓋是鄉兩為

眞主興王之地其視少康之綸漢文之代有不足道則地望顧不重哉而汎歷代以來文人才士閒出於其地偉賢鉅公來為牧守者相望也庸可以勿紀乎於是因通判軍州事孫傅有請乃屬僚屬知建德縣事熊適州學教授朱良弼主建德縣簿汪勃主桐廬縣簿賈廷佐及郡人前漢陽軍教授喻彥先相與檢訂事實各以類從因舊經而補緝廣新聞而附見凡是邦之遺事略具


圖經序

七 浙西村舍

矣豈特備異日職方舉閏年之制抑使為政者究知風俗利病師範先賢懿績而承學晚生覽之可以輯睦而還舊俗宦達名流玩之可以全高風而勵名節渠小補也哉至於紀錄尙或未盡則以竣後之君子紹興己未春正月壬午知軍州事董奔序


原七葉第三葉作三之四無第四葉本葉作八之十二

圖城子




十三十四

圖城外內府德建




十五之十八


府境總圖



建德縣境圖




淳安縣境圖




廿九世四 五

桐廬縣境圖




六


遂安縣境圖



壽昌縣境圖



分水縣境圖



三十九

宋元方志叢刊 淳熙嚴州圖經

圖經卷第一

歷代沿革

嚴州新定郡遂安軍節度治建德縣禹貢揚州之南境春秋時屬吳魯哀公二十二年勾踐滅吳因屬越周顯王三十六年越無疆立楚威王滅之并有其地秦破負芻則以為鄣會稽兩郡之境漢興以隸吳郡及丹楊郡東漢仍隸兩郡至建安十三年孫武遣威武中郎將賀齊擊定山越始分丹楊郡之歙縣立始新今淳安縣新定今遂安縣犁陽休陽吳孫休更名休陽曰海甯宋大明八年省四縣合夥與歙為縣六置新都郡治始新晉太康元年平吳改郡曰新安而縣改新定曰遂安宋省犁陽止領縣五梁武帝割吳郡之壽昌來屬復為縣六自孫權始置郡於于東晉皆隸揚州宋孝建元年分揚州之五郡為東揚州新安與其一永光元年省復併入揚州梁以會稽為東揚州郡復隸焉承聖中復舊隋開皇九年平陳廢郡為新安縣併入婺州而置歙州以黟歙海甯三縣隸焉今為徽州仁壽三年割杭州之桐廬并復立遂安縣即新安故城置睦州統縣三新安遂安桐廬大業初改新安縣曰雉山而改睦州為遂安郡以歙州為新安郡唐武德四年平汪華復為睦州隸歙州總管而析桐廬為嚴州睦

圖經

浙西村舍

州止領縣二遂安七年廢嚴州復以桐廬來屬名東睦

州八年去東字正本字犯觀元年分天下為十道睦

州隸江南道開元二十一年分江南為東西道永淳二

年復置建德縣合為縣四文明元年復改雉山縣曰新

安永昌元年復置壽昌縣載初元年省壽昌如意元年

增置武盛縣今分神功元年徙州治建德神龍元年復

置壽昌改武盛為分水合為縣六開元二十年改新安

縣為還淳天寶元年改睦州為新定郡乾元元年復為

睦州寶應二年又析分水增置昭德合為縣七大曆六

年併昭德於分水永正本字犯元年改還淳曰青溪

圖經一 漸西村舍

中和四年州為陳晟所據光化三年錢鏐割桐廬隸杭

州天祐元年刺史陳詢以州附楊行密三年錢鏐將復

取其地更五代暨

國初皆為錢氏所有太平興國三年納土始入版圖

詔復以桐廬下屬于分天下為十九路睦州隸兩浙

西路自唐以來為睦州軍

國朝建隆元年

太宗以親王領防禦使大中祥符及治平閒又嘗設團

練官而仍為軍事州政和八年

詔升為建德軍節度宣和三年平方臘改曰遂安軍改

州曰嚴州而縣改青溪曰淳安

中興因之

分野

禹貢淮海惟揚州舜置十有二牧此地為揚州牧所治

周官東南曰揚州其山鎮曰會稽春秋元命包云牽牛

流為揚州分為越國漢書志以為斗分野唐志據鄭康

成說以為星紀之分

國史地理志兩浙路當天文南斗須女之分

風俗

大中祥符圖經載舊經云山高水深人性正本字犯

圖經二 漸西村舍

介通典云人性輕揚尚鬼好祀太平寰宇記云隋置睦

州取其俗阜人和內外輯睦為義以今觀之州境山谷

居多地狹且瘠民貧而膏穀食不足仰給它州惟蠶桑

是務更蒸茶割漆以要商賈懋遷之利大抵安於簡易

之政擾之則生事國史地理志德敏兩浙路以為人性

急於進取善於圖利

州境 道路附

東西三百九十里

南北三百三十里

四至八到

東至臨安府三百一十里

西至徽州三百七十里

南至婺州一百五十里

北至臨安府二百七十里

東南到婺州一百八十里

西南到衢州二百一十里

東北到臨安府三百一十里

西北到徽州三百一十里

去兩京地里

東京二千五百三十六里

圖經一

四

漸西村舍

西京三千二十九里

陸路

東南至新屯嶺入婺州界五十五里

西南至鵝籠山入衢州界一百九十里

西至深渡津入徽州界二百五十七里

北至印渚溪入臨安府界二百七十里

東北至桐峴山入臨安府一百五十里

水路

東至東梓浦入臨安府界一百三十三里

南至三河湍入婺州界五十里

北至深渡津入徽州界二百五十里

城社

羅城周回十二里二步刁衍大鵬記云陳晟築羅城按

開二丈五尺今城宣和三年城有八門東曰望雲南曰

定川曰安流西曰安泰曰和平北曰嘉貺東北曰百順

西南曰善利善利門舊有複城出溪湖雨開相傳為鳳

知州董弁因父老有請即城隅關為門還榜舊名

子城周回三里南即遂安軍門東西門在授官廳之兩

廂北門在州宅西偏

社壇在城西北五里舊在城西南三里宣和

圖經一

五

漸西村舍

戶口

自孫權分歙置郡史書不載戶口之數晉武帝時戶五

千五百六十宋孝武時戶一萬二百五十三隋文帝時

戶七千三百四十三唐高祖時戶一萬二千六十四口

五萬九千六十八明皇時戶五萬四千九百六十一口

三十八萬二千五百一十三穆宗時戶五萬四千七百

一十口三十六萬三千三百八十九

國朝九域志主戶六萬六千九百一十五客戶九千八

百三十六

國史天禧中戶四萬五千五百八治平中戶七萬五千

四百七十三口二十四萬一千七百七十二  
紹興己未戶七萬二千二百五十六丁二十一萬一千三百九十四

今戶口

戶八萬八千八百六十七

丁一十七萬五千九百卅三

學校科舉附

至聖文宣王廟 在城東南隅

國朝雖熙二年知州田錫遷于城西北隅即廟建學以

教諸生景祐中知州范仲淹始建堂宇齋廡慶歷中知

圖經一

六

漸西村舍

州向俟奉

詔增廣嘉祐中知州趙抃營置田租及以婺州歲入羨

米養士大觀中知州李陞奉

詔重新廟學宣和中頒降

御書殿榜曰大成紹興七年知州胡寅盡撤舊屋自殿

堂廊廡齋舍煥然一新堂後有三公祠堂設田公范公

德之重及嘗有功于學校之故紹興八年知州董弁令

隨春秋釋奠祀之後增作五賢祠以嚴先生為主復以

唐宋廣平為配

學田舊歲收四百斛不足以養士淳熙乙巳歲知州陳  
公公亮以三百千添置復撥沒官產以贍之由是無贖

乏之患

科舉

舊制三歲應 詔解九人後增明經類崇甯頒三舍法

于學歲貢六人三歲并零分通二十人宣和復科舉三

歲解十六人渡江後附解流寓二名紹興中通為十八

名今為定制

貢院舊在兜率寺之西屋宇甚隘歲久滋弊舊經亦不

載淳熙乙巳冬知州陳公公亮乃就州學之西鼎新創

建其規櫺一遵 禮部貢院之制

解舍

圖經一

七

漸西村舍

州衙在子城內正北舊制屋宇甚備經方臘之亂蕩

通判解舍在遂安軍門內街西

路分廨舍舊無定居今在兜率寺東以續置新定驛

改充

觀察支使

節度推官

觀察推官

司戶參軍

司法參軍

司法參軍